


Supervizor za Brčko distrikt pozdravlja usvajanje ključnih finansijskih zakona u Brčko Distriktu



Prvi zamjenik visokog predstavnika i supervizor za Brčko Distrikt, Bruce G. Berton, pohvalio je Vladu Brčko Distrikta zbog današnjeg usvajanja Zakona o fiskalnim sistemima, Zakona o računovodstvu i reviziji, Zakona o deviznom poslovanju i Zakona o izmjenama i dopunama Zakona o platnim transakcijama.

“Ovi zakoni iz finansijskog sektora predstavljaju ključni instrument za vlasti Brčko Distrikta u smislu poboljšanja transparentnosti, borbe protiv sive ekonomije, te ostvarivanja prihoda korisnih za unapređenje usluga koje vlasti pružaju građanima Distrikta. Ovi zakoni značajno doprinose i integraciji Brčko Distrikta u pravni sistem BiH, ali i provođenju mjera koje su značajne za cijelu BiH, kao što su razmjena informacija o poreskim obveznicima između poreskih uprava u BiH”, rekao je supervizor Bruce G. Berton.

Supervizor je zahvalio Vladi Distrikta i Direkciji za financije na njihovom predanom angažmanu na ovim pitanjima i dodao da očekuje od Skupštine Distrikta da će i ona pokazati isti nivo angažmana i podržati predložene zakone.